



## 7. ZE IRITZI DUZU ELGETAZ?

### PARTE HARTZEA/AUZOLANA




BATEZBESTEKO EMAITZA: **3,04**

## INGURUMENA




BATEZBESTEKO EMAITZA: **3,57**

## HIRIGINTZA




BATEZBESTEKO EMAITZA: **3,10**

## ETXEBIZITZAK




BATEZBESTEKO EMAITZA: **3,24**

## HEZKUNTZA




BATEZBESTEKO EMAITZA: **3,57**

## KIROLA




BATEZBESTEKO EMAITZA: **3,57**

## KULTURA



BATEZBESTEKO EMAITZA: **3,46**


## OSASUN ZERBITZUA



BATEZBESTEKO EMAITZA: **2,93**




## EUSKARA




BATEZBESTEKO EMAITZA: **3,52**

## TURISMOA




**BATEZBESTEKO EMAITZA: 2,83**

## ONGIZATEA




BATEZBESTEKO EMAITZA: **3,71**

## BASERRI MUNDUA



BATEZBESTEKO EMAITZA: **3,26**


## JAIAK



BATEZBESTEKO EMAITZA: **3,60**

EGOERA	PROPOSAMENAK
<p>Antzeko tamainako herriekin alderatuta Elgetak maila ona duela uste dute batzuek, baina beste zenbaiten ustez herri txikia delako gauza asko falta dira eta horrek erakargarria ez izatea dakarrela. Hori ulergarria dela ere esaten da, daukan aurrekontua kontuan izanda.</p> <p>Jendearen parte hartzea baxua da askoren ustez.</p> <p>Bestalde, gauza zehatzen inguruko iritzia ere eman da:</p> <ul style="list-style-type: none"> <li>• Hezkuntzari dagokionez, eta zehazki eskolari buruz, irakasleen oso inplikazio txikia dagoela uste dute.</li> <li>• Ingurumenari dagokionean herritik gertu pinu asko daudela aipatu dute.</li> <li>• Jaiei buruz, urtetik urtera egitaraua ez dela aldatzen.</li> <li>• Jaiak luzeegiak direla.</li> <li>• Jendearen inplikazioa lortzeko eragileak sormena erabili beharko luketela.</li> </ul>	<p>Jaien inguruan:</p> <ul style="list-style-type: none"> <li>- Jaietako antolaketan herritarrak inplikatzeari</li> <li>- Jaietako komisia sortzea herriko eragile eta koadrila desberdinekin</li> <li>- Jaietan zezenik ez jartzea</li> <li>- Egun gutxiago eta kalitate gehiago izatea</li> </ul> <p>Ingurumenean:</p> <ul style="list-style-type: none"> <li>- Karabixeta bideko eskonbrera kentzea</li> </ul> <p>Hezkuntza:</p> <ul style="list-style-type: none"> <li>- Eskola txikia izanik, hezkuntza komunitateko eragile guztien parte hartzea bultzatuz proiektu desberdinak martxan jartzea.</li> </ul>

## 10. BADA DENBORA BAT HONDAKINEN BILKETA SISTEMA BERRIA DUGULA ELGETAN, ZER IRITZI DUZU SISTEMARI BURUZ?



BATEZBESTEKO EMAITZA: **3,96**

## EGOERA

Hainbatek sistema ona, adostutakoa, eraginkorra, praktikoa... dela diote. Hondakinen bereiztearekin gero eta gehiago arduratzen garela esaten da eta denbora gutxian asko lortu dela. Elgetan lortzen ari diren berziklatze tasak onak direla eta denbora gutxian asko lortu dela. Batzuk ondoko herrientzat eredu dela Elgeta aipatzen dute.

Beste batzuk aldiz atez ateko sistema egokiagoa dela diote.

Dena den, gaur egun Elgetan dagoen sistemaren inguruan gehienek hobetzekoak aipatu dituzte:


- Txartelaren sistema askotan apurtuta dagoela edo ez dabilela.
- Ontziak ez direla erosoak hondakinak botatzeko, bi eskuekin ezin direla bota, euria egiten duenean ere zaila dela.
- Txartela auzo bateko ontzietara mugatuta egotea arazoa dela, hondatuta dagoenean ezin delako beste auzotakoetan bota.
- Edukinontziak gainezka egoten direla eta hondakinak edozein modutan.
- Bilketa lekuetan inoiz baino zabor gehiago dagoela lurrean.
- Kartoiak lurrean uzten direla ez apurtzearren.
- Poltsak ez direla egoki erabiltzen.
- Edukinotzietan denetik egoten dela.
- Organikoaren tapa zikina egoten dela eta udan euli asko irteten direla tapa irekitzerakoan.
- Jende askok plastikozko poltsetan botatzen duela.
- Auto-konpostaiaren inguruan ere batzuetan hezeegi dagoela eta gune batzuetan ez dagoela ondo, usai txarra...

## PROPOSAMENAK

- Kanpainak egitea hondakinen sailkapena gogoratzeko, kontzientziatzeko.
- Emaizak etxez etxe banatzea edo ohar tauletan jartzea.
- Paper ontzi gehiago jartzea.
- Organikoaren txartel txikiagoak egitea.
- Olio berziklatzeko ontziak ipintzea.
- Auzo-konpostguneetan eltxo eta usainak ekiditeko neurriak hartzea.




## 11. NOLA USTE DUZU DAUDELA ELGETAKO KALEAK, ERAIKINAK ETA BIDEAK MANTENIMENDU ALDETIK?



BATEZBESTEKO EMAITZA: **3,29**

EGOERA	PROPOSAMENAK
<p>Hainbatek aipatzen du eraikin asko zaharrak eta jausteko arriskuarekin daudela eta egin izan diren erakinak kalitate gutxikoak direla, banaka batzuk izan ezik.</p> <p>Kaleetan adokin asko dagoela eta irisgarritasun aldetik ez dela eroso, batez ere San Roke kalekoa, Salvador osteko oinezko bidean ere baldosak solte daudela.</p> <p>Iluntzean kaleen argiztapena ez dela ona aipatzen da. Gune arriskutsuak daudela, farolak, hesiak, espaloitik Torrealderako eskailerak, plaza ondoko bidea...</p> <p>Kaleko mobiliarioaren inguruan ere ez dela mantentzen, hondatzen direnean berriak jartzen direla zuzenean.</p> <p>Kaleak garbitzeko erabiltzen diren makinak zarata gehiegi ateratzen duela eta oso goiz hasten dela lanean aipatu da.</p> <p>Baserri bideak ez daudela ondo.</p>	<ul style="list-style-type: none"> <li>- Herriguneko etxe zaharrak eraberritzea</li> <li>- Kirol instalazioak eraberritzea</li> <li>- Lokal hutsak berrerabiltzea, behar ezberdinak betetzeko erabilera handiagoa ematea hainbat eraikini</li> <li>- San Roke kalea berritzea, instalazioak barne, Salvador osteko oinezko bidea konpontzea</li> <li>- Hilerrri ingurua argiztatzea. Farola fotoboltaikoekin adibidez</li> <li>- Mantenimendurako planifikazioa egitea eta eguneroko mantentze lanak egitea (adib. skate pistako txapak ondo lotzea, Domingo Iturbe kaleko iturri bikoitzeko itokinak konpontzea...)</li> <li>- Udalari mantenimendu lana pilotzen zaionean herritarrei laguntza eskatzea, Auzolanak antolatzea</li> <li>- Kiroldegiko taberna ingurua zaintzea</li> <li>- Banku batzuk konpondu edo aldatzea</li> <li>- Jardinetan bankuak jartzea, Andra Mari Plazan esaterako</li> <li>- Larrabil bidean bankuak jartzea</li> <li>- Gudarien bidea oinezkoentzako ipintzea</li> <li>- Udaletxe eta kultur etxeko lokalak garbitzea</li> <li>- Asentzioko aparkalekutik barrura sartzeko bidea konpontzea</li> <li>- Intxorta, Eguarbitza, Askonabitza... gailurrak txukuntzeko lanak antolatzea</li> <li>- Efizientzia energetikoa hobetzea</li> </ul>


## 12. ETXEBIZITZA BERRIAK EGITEA BULTZATU BEHARKO LUKE ELGETAKO UDALAK?



BATEZBESTEKO EMAITZA: **1,82**

EGOERA	PROPOSAMENAK:
<p>Etxebizitza berriak egin beharra ez da ikusten orokorrean. Etxebizitza berriak oraindik salgai badaudela esan da. Horren parean etxebizitza hutsak betetzea izan beharko litzatekeela lehentasuna esan da kasu askotan, alde zaharra berreskuratzea. Herri txikiaren izaera mantentzea nahi dutela ere esan dute zenbaitek eta beti ere etxebizitza berriak eskariaren arabera egin beharko liratekeela, gazteak Elgetan bizitzen gelditzea helburu izanik.</p> <p>Herria neurri batean handitzearen alde egin du baten batek, bizilagun pixka bat gehiagorekin gehiago asentatuko litzatekeela argudiatuz.</p>	<ul style="list-style-type: none"> <li>- Udalak herrian etxebizitzen eskaria zein den ezagutzeko neurriak hartzea</li> <li>- Babes ofizialeko etxebizitza gehiago egitea</li> <li>- Eskariaren arabera, etxebizitza berriak egitea, mekartuko prezio estandarretatik beherako prezioekin</li> </ul>


## 13. ETXEBIZITZA HUTSAK MERKATURATZEKO NEURRIAK HARTU BEHARKO LITUZKE ELGETAKO UDALAK?



**BATEZBESTEKO EMAITZA: 3,92**

<b>EGOERA</b>	<b>PROPOSAMENAK:</b>
<p>Gai honen inguruan hainbatek diote Udalak ez duela eskumenik eta Aldundiarekin eta Jaurlaritzarekin elkarlanean hartuko beharko lituzkeela neurriak.</p> <p>Etxeak hutsak zergatik dauden ere aztertu beharko litzatekeela esaten da: saldu nahi ez direlako edo ezin direlako saldu?</p> <p>Zenbaitek uste dute Udalak ez lukeela neurririk hartu behar, etxeak pribatuak diren heinean.</p> <p>Elgetako alde zaharraren egoera penagarria dela esan du baten batek, etxe huts asko dagoelako. Etxe zaharrak berritzeko askotan jabeek beraiek ez dutela dirurik esan da eta Udalak ezin diela horretan lagundu.</p> <p>Etxe merkatua Elgetan oso geldi dagoela esan da.</p>	<ul style="list-style-type: none"> <li>- Udalak herrian dauden etxe hutsen datu-basea osatzea</li> <li>- Alokairu soziala bultzatzea beste erakunde publikoekin elkarlanean</li> <li>- Eskaintza erakargarriak martxan jartzea etxe jabeek alokatzeko</li> <li>- Zergak igotzea</li> <li>- Etxebizitza hutsak enkantean jartzea edo babes ofizialeko etxeen modura</li> <li>- Alokatzaile eta bezeroen artean zubi lanak egitea, webgunean eta Udaleko paneletan dauden eskaeren berri emanez</li> <li>- Gazteei laguntzak ematea alokatu ahal izateko</li> </ul>

## 14. ELGETA HERRI EROSOA DA OINEZ MUGITZEKO?




**BATEZBESTEKO EMAITZA: 4,10**

EGOERA	PROPOSAMENAK:
<p>Orokorrean herri barrua oinezkoentzat nahiko eroso dela dio jendeak eta ez hainbeste inguruko ibilbideak.</p> <p>San Roke kaleko adokina izan da kexa gehien jaso dituen herriko gunea.</p> <p>Herri erditik pasatzen den errepidea ere izan da askorentzat hizpide, arriskua sortzen duela-eta. Semaforoak kotxeei lehentasuna ematen diela esan da.</p> <p>Elurra egiten duenean sortzen diren arazoak ere aipatu dira, kotxeak aparkalekutik ateratzeko, kaleak labainkor egoten direlako, etab.</p>	<ul style="list-style-type: none"> <li>- Ez dauden kasuetan, zebrabide eta espaloiak jartzea.</li> <li>- Semaforoak oinezkoei lehentasuna ematea.</li> <li>- Trafikoak sortzen dituen arriskuak eragotzea: plaza inguruan, eskola atariraino kotxeak ez sartuz, Torrezar pareko zebrabidea, Salvador kaleko hesiak konponduz, etab.</li> <li>- Kale gehiago oinezkoentzat bihurtzea</li> <li>- Elurrak arrisku eta arazoak ez sortzeko neurriak hartzea.</li> <li>- Oinezkoen eta bizikleten ibilbide gehiago egitea (bidegorri babestuak Bergara – Asentziora-, Elorrio, Eibar, Arrasaterantz) eta daudenak konpontzea</li> <li>- Argiztapena hobetzea, batez ere industrialdean</li> </ul>




## 15. ZER IRITZI DUZU AUTOBUS ZERBITZU BERRIARI BURUZ?



BATEZBESTEKO EMAITZA: **3,30**

EGOERA	PROPOSAMENAK:
<p>Autobus zerbitzua azken urteetan asko hobetu dela esaten da. Puntuala dela, tratua ere ona, garbi egoten dela...</p> <p>Arrasaterako autobus zerbitzua da okerren baloratu dena, gainera ospitala han dagoela kontuan hartuta. Bizkaia aldera ere zerbitzua okerragoa dela esan da Gipuzkoa aldera baino. Hiriburuetarako lotura ere ez dela egokia jaso da.</p> <p>Jende dezente aipatu du ezin duela iritzirik eman autobus zerbitzuaren inguruan ez duelako erabiltzen. Horregatik diote hainbatek erabiltzaileen inguruko zenbakiek ez dutela laguntzen zerbitzu on bat mantentzen.</p> <p>Hori kontuan hartuta hainbat zerbitzu eskaripekoak bihurtu beharko lirатеkeela esan da.</p>	<ul style="list-style-type: none"> <li>- Autobusak sarriago pasatzea, ordutegia zabalagoa izatea, batez ere asteburuetan</li> <li>- Autobus zerbitzua hobetzea Bizkaia aldera (Elorriotik beste hainbat lekuetara joan ahal izateko)</li> <li>- Arrasaterako autobus gehiago jartzea, bereziki ospitalerako zerbitzua</li> <li>- Hiriburuetarako autobus gehiago jartzea</li> <li>- Udarari kostara joateko autobusen bat jartzea</li> <li>- Gaueko autobus gehiago jartzea</li> <li>- Eibarrera goizean doan zerbitzuan jende gehiago sartzeko aukera ematea, guztiak bidai bakarrean sartu ahal izateko</li> <li>- Gutxien erabiltzen diren kasuetan, zerbitzuak eskaripekoak bihurtzea</li> </ul>


## 16. ZER IRITZI DUZU ELGETAKO KIROL ZERBITZU ESKAINTZAREN INGURUAN?



BATEZBESTEKO EMAITZA: **3,61**

<b>EGOERA</b>	<b>PROPOSAMENAK:</b>
<p>Kirol eskaintzarekin jendea orokorrean gustura dago, bereziki aurten kiroldegitik egin den eskaintzarekin. Nolanahi ere zenbait instalakuntza zahartuta gelditu direla esaten da, hotza egiten duela, etab. Ordulegiarekin ere badago kexaren bat, guztiek ezin baitute parte hartu horregatik (adib. arratsalde lan egiten dutenak). Kirol ikastaroetako begiraleen gaineko iritzia oso ona da. Ez dago igerilekurik. Elgetako 70 bazkide inguru daude Bergarako kiroldegian. Helduentzat eskaintza gehiago dagoela esaten da haurrentzat baino.</p>	<ul style="list-style-type: none"> <li>- Igerileku bat jartzea</li> <li>- Kirol instalakuntzak hobetzea, berritzea</li> <li>- Kirola egiteko makina eta material gehiago erostea</li> <li>- Ikastaroen ordulegiak jendearen beharretara egokitzea</li> <li>- Futbitoko kantxa estaltzea eta argiak jartzea</li> </ul>


## 17. ZER IRITZI DUZU ELGETAKO KULTUR ZERBITZU ESKAINTZAREN INGURUAN?



**BATEZBESTEKO EMAITZA: 3,55**

EGOERA	PROPOSAMENAK:
<p>Herriko kultur eskaintza oro har ondo ikusten da, zabala dela diote hainbatek, herrian duen tamaina aintzat hartuta.</p> <p>Dena den dauden lokal eta baliabideekin ekintza gehiago antolatu daitezkeela ere esaten da, batez ere Antzokian.</p> <p>Espaloia Antzokia gaur egun lehiaketa publiko bidez esleituta dago. Bertako kudeaketa eta taberna zerbitzuaren inguruko hainbat kexa jaso dira, "hiltzen" ari dela esaten da. Bertatik antolatzen diren ekintzak ez direla erakargarriak diote hainbatek, giroa ez dela ona eta ekintzak gaztelaniazkoak direla, gainera askotan egongo diren gauzen inguruko informaziorik ez dela jartzen herrian.</p> <p>Herrian umeei begira helduentzat baino gauza gehiago antolatzen direla dio jendeak eta kasu horietan begirale edo irakasle izateko ez dela gaitasun teknikoa izatea ezinbestekoa.</p> <p>Liburutegiaren zerbitzua hobetu egin dela esaten da eta ludoteka izatea oso positiboa dela Elgeta bezalako herri batentzat.</p>	<ul style="list-style-type: none"> <li>- Agenda bateratua lortzea, eragile desberdinen elkarlanean oinarrituta</li> <li>- Antzokirako proiektu herriak egitea, Udala eragile-bultzatzaile izanik- Rock kontzertu gehiago antolatzea</li> <li>- Antzerki eta dantza tailer gehiago antolatzea</li> <li>- Pianoa eta gitarrak gain, instrumentu gehiago jotzeko tailerrak antolatzea</li> <li>- Udan kaleko gau zinea jartzea</li> <li>- Nagusientzat ikastaro gehiago antolatzea: hitzaldiak, komentatutako filmak (asteburuetan)...</li> <li>- Ludoteka, gaztelekua eta zaintza zerbitzuetan begirale edo irakasle izateko gaitasun teknikoa nahitaezkoa izatea (titulua eskatzea)</li> <li>- Ludoteka zerbitzua merkatzea</li> <li>- Gaztelekuaren ordutegia zabaltzea, zaintza eskaintzea ikasturtean zehar 8:00etatik 9:00etara</li> <li>- Sormena sustatzeko ekintzak antolatzea: arte tailerra (dagoeneko antolatutakoa), musika, literatura, zinea, argazkia...</li> <li>- Ingeleseko talde batzuk sortzea, ingelesez mintzatzeko eta ingelesez ikasteko</li> </ul>

## 18. ZER IRITZI DUZU ELGETAKO OSASUN ZERBITZUEN INGURUAN?




BATEZBESTEKO EMAITZA: **2,81**

EGOERA	PROPOSAMENAK:
<p>Elgetan dagoen haur kopurua kontuan hartuta pediatria soilik asteen behin izatea oso gutxi dela esan da.</p> <p>Mediku bakarra dago herrian eta horrek medikua aukeratzeko eskubidea ez edukitzea dakar.</p> <p>Medikuaren inguruko hainbat kexa jaso dira: denbora asko itxaron behar izaten dela, asko luzatzen dela txandetan, akats larriak egin izan dituela mediku espezialistetara lehenago ez bidaltzeagatik, enpatia falta duela...</p> <p>Beste zenbaitek aldiz medikuarekin gustura daudela esan dute.</p> <p>Mediku espezialistetara Arrasatera joan behar da eta bertara joateko autobus zerbitzua eskasa da.</p>	<ul style="list-style-type: none"> <li>- Pediatria egunero izatea.</li> <li>- Arrasatera mediku espezialistetara joateko autobus zerbitzua hobetzea.</li> <li>- Hitzordua eskatzeko modua hobetzea.</li> <li>- Kontsulta lekua egokitzea: lekua handitzea, harrera txiki bat jartzea, temperatura aldetik hobetzea, barruan esaten dena kanpoan ez entzuteko neurriak hartzea.</li> </ul>



## 19. UDALAK EUSKARA BULTZATZEKO IKASTAROAK LAGUNDU BEHARKO LITUZKE?



**BATEZBESTEKO EMAITZA: 4,17**

## EGOERA

Orokorrean jendeak ondo ikusten du Udalak euskara bultzatzeko ikastaroak antolatzea, euskara sustatzeko bide bezala ikusten delako. Esan da askotan ikastaroak antolatzeko eskaera falta dela eta gainera ikastaro horietan izena ematen dutenek konpromiso bat hartu beharko luketela jarraitzeko, gainerakoan bertan behera gelditu izan direlako, jarraitzen dutenen desmotibaziorako.

Nolanahi ere iritzi desberdinak daude euskara ikastaroen kostua nork eta zein neurritan asumitu beharko lukeen esaterakoan. Badago jendea dioena Udalak ez lukeela kostu osoa bere gain hartu behar eta ez litzatekeela edozein kosturen truke egin behar.


Euskarari dagokionez, herritar askok aipatu dute erabileraren jaitsiera, batez ere ume eta gazteen artean. Batzuk kanpotik etorritako jendearen ondorioz izan dela aipatzen dute eta beste batzuk aldiz ez dute hainbeste horrekin lotzen.

Horren haritik oso ondo ikusten da "Elgeta Berbetan" ekimena, jende helduaren artean ere euskararen erabilera bultzatzea oso garrantzitsutzat jotzen baita gero umeek ere erreferente hori izateko. Bestalde, Udalean hainbat kexa jaso omen dira Udalaren informazioa soilik euskaraz zabaldu dela-eta. Udala informazio idatzia gaztelaniaz ere jaso nahiko lukeenen zerrenda osatzen hasi da.

## PROPOSAMENAK:

- Euskara plan bat egitea (Udalean eta eskolan), Elgetan euskararen erabilera handitzeko.
- Euskara ikastaroak diruz laguntzeko sistema hobetzea.
- Gaztelaniazko ikastaroak ere jartzea.

## 20. ZER IRUDITZEN ZAIZKIZU UDALAK TURISMOA BULTZATZEKO EGITEN DITUEN EKINTZAK?



BATEZBESTEKO EMAITZA: **3,67**

EGOERA	PROPOSAMENAK:
<p>Hainbat jendek dio ez dituela ezagutzen Elgetan turismo aldetik egiten diren ekintzak</p> <p>Euskal Herri mailan toki estrategiko batean dagoela esaten da, Gipuzkoa, Bizkaia eta Araba erdian eta horrek turismoa erakarri dezakeela.</p> <p>Herrian badago hotela eta baita bi nekazaturismo ere. Antzokia ere izan da azken urteetan turismorako deia.</p> <p>Turistak egon arren herriko zerbitzuak (tabernak, dendak...) igande eta abuztuan itxita egoten dira.</p> <p>Gaur egun egiten direnak ondo ikusten dira orokorrean (Intxortako bisita gidatuak, eszenifikazioak...) baina hobekuntza proposamenak ere egin dira:</p>	<ul style="list-style-type: none"> <li>- Turismo jasangarria bultzatzea</li> <li>- Turismo kulturala bultzatzea</li> <li>- Herriko hotelera eta nekazaturismoetara datozen turistei begira ekintzak egitea</li> <li>- Herriko gida-mapa eguneratu bat egitea</li> <li>- Elgetako ibilbideen informazioa eguneratzea</li> <li>- Antzokia biziberritzea</li> <li>- Intxortako museoarekin lotuta, lehengo lantegien edo baserriko tresnekin museo "etnografiko" bat sortzea</li> <li>- Bolatokia zaintzea eta sustatzea</li> <li>- Turismo aldetik ekintzak elgetarrei begira ere egitea (askok ez baitakite beraien herriko historia).</li> </ul>

## 21. BESTERIK

EGOERA	PROPOSAMENAK:
<p>Enpresak sustatzea oso garrantzitsutzat jotzen da, horrek Elgetan lanpostuak sortu, Udalaren diru sarreak handitu eta bertako negozioei jaten ematen dielakol.</p> <p>Herri anitza dela esaten da eta hori balioa dela.</p> <p>Herritarren inplikazioa eta parte-hartzearen beharra aipatzen da, konpromisoa herrigintzan aritzeko eta herria aurrera ateratzeko.</p>	<ul style="list-style-type: none"><li>- Enpresa berriak Elgetara ekartzea</li><li>- Dauden enpresak Elgetan finkatzea eta Udalak babestea</li><li>- Langabetuen poltsa egitea, poligonoko enpresetan lana egin ahal izateko Udalak negoziatzea</li><li>- Gertuko aktibitateak bultzatzea: komertzioak, tabernak, inguruko baserritarren produktuei bideak ireki...</li><li>- Herriari izena emango dioten eta herritarrak kalera irtetera bultzatu dituen ekitaldiak antolatzea</li><li>- Etxeen fatxadetan papelik eta panfletorik ez jartzeko neurriak hartzea</li><li>- Bizikletak, motorrak, kotxeak... garbitzeko leku bat jartzea</li></ul>